

Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

De Personis Ecclesiasticis, Earumque statu, Dignitate, munere, &
Immunitate

Strein, Johann

Coloniæ Agrippinæ, 1658

§. 5. De Abdicatione Episcoporum.

[urn:nbn:de:hbz:466:1-61816](#)

tus verus ecclesiaz suæ sponsus maritus & pastor est, eaque omnia præstare potest, quæ solius iuris dictio nis sunt. At per consecrationem consequitur, ut etiam exercere possit ea, quæ iure divino vel ecclesiastico ordinis episcopali annexa sunt, videlicet clericos ordinare, baptizatos confirmare, sacram Christia confidere, vasa, altaria, & Virgines consecrare, clericos degradare, & Sim. c. *Quamvis diff.* 68. c. *Inter corporalia. de transl. episcoporum.* Azor. II. l. 3. c. 30. Q. 5. & 6.

Vl. Quætitut à nonnullis, an episcopus consecrari possit, qui non est Sacerdos? *Covar. l. 1. Var. cap. 16.* aliquos juris Canonici interpres affirmativam opinionem tueri ait, existimantes ordinem Sacerdotii solo iuris ecclesiasti praeccepto prærequiri. Est enim, *inquit*, potesta se episcopi indelebilis, & ab aliis officiis distincta, tametsi eam exercere non possit, qui presbyter non est, secundum *Ioann. Andream*, & alios in *cap. 1. de Cler. persaltum promoto* quos sequitur *Iacobinus de Concilio l. 10. art. 7. Fornarius in l. 6. Tolot. cap. 6. num. 4.* Aliud huius rei argumentum inde sumitur, quod etiam non suscepito ordine Diaconatus vero Sacerdos initierit: quia sicutum ordinum inferiorum gradatio non ex naturâ rei, sed ecclesiaz statuto oritur. Quid ni igitur simili modo creatur episcopus, nondum Sacerdotio iniciatus? Verum contraria opinio haud dubie vera est, & Theologorum propterea communis, nunquam videlicet fieri posse ut episcopalem potestatem accipiat, qui non prius Sacerdotalem adeptus est. Quid enim absurdius ex cogitari possit, Episcopo, qui maior Sacerdos in jure vocatur, si solam jurisdi-

cioneis externæ potestatem habeat, & Prætoris regii instar ius dicere, plebem reos, exercere iudicia forensia, nulli verò de peccatis suis pœnitenti absolutoriem, nemini chrisma aut sacrum ordinem conferre queat? Hoc nimis est, quod Apostolus ait 2. ad. Cor. 5. V. 18. Sacramentum reconciliationis commissum episcopis, & munus dispensandi Sacramenta cœlestia: hoc solo ecclesiam Christi regunt, oves pascunt, si leges & lites quæque reip. tranquillitatem foveant, pro viribus attendant? At necessaria ordinum sacerdotum non est gradatio? Eit vel maximè. Nam Sacerdotium & episcopalis ordo habent se, ut magis & minus perfectum: quamvis in Diaconatu & aliis ordinibus id locum non habeat, quia sic diversi sunt quoad potestatem, ut à se invicem necessariè non dependant. *Abbas in di. c. 1. de cler. per saltum promoto.* Azor. II. l. 3. cap. 30. Q. 9. *Silvestr. in V. Ordinatione 2. Scotus Rich. Palud. Sotius, & alii Theologi communiter.*

§. V.

De abdicatione, & translatione Episcoporum.

I. **Q**via Episcopus cū ecclesia sua spirituali matrimonium iniit, ut §. præc. n. 5. diximus, ideo non potest pro libitu deserere illam, vel abdicare. Vnde *Evaristus Papa relatus in c. Sicut vir 7. quest. 1. ad episcopos ait.* Sicut vir non debet adulterare uxorem suam, ita nec episcopus ecclesiam suam, id est, ut illam dimittat, ad quam sacratus est absque in evitabili necessitate, aut apostolica, vel regulari mutatione, & alteri se ambitus causa.

causa conjugat. Et sicut uxori non licet dimittere virum suum, ut alteri se vivere, illo matrimonio societ, sed juxta Apostolum aut viro suo reconciliari debet, aut manere innupta; ita Ecclesia non licet dimittere Episcopum suum, aut ab eo segregare se, ut alterum eo vivente accipiat. Poterit autem Episcopus abdicare, si Summi Pontificis consentus accedat, qui consensus unam de sex causis prærequisit, quas in sequentibus Versulis vides.

*Debilis, ignarus, malè conscius, irregularis,
Quem mala plebs odit, dans scandala,
cedere posse.*

Prima igitur causa est corporis debilitas. Secunda defectus scientiae. Tertia delictum aliquod gravius. Quarta Irregularitas. Quinta odium populi. Sexta denique grave scandalum. *V.l.1. Decretal. t. 9 c. 10.* ubi singulae cauze fusi explicantur. Quibus addi possunt duas aliæ, crebra & continua hostium incursatio. *c. tribus de conser. D. I. & aeris intemperies c. quorundam Diff. 74.*

II. Causa Episcopatum resignandi sufficiens non est propriæ salutis & quietis desiderium in ordine aliquo religioso: quia Episcopus obligavit se Ecclesia ad providendum ipso, ut sponsæ, vel ut pastor gregi suo. Quamdiu igitur praestare potest ad quod se obligavit, praestare tenetur. Hinc *Innocentius III* Episcopo Clarenzano scribit in *c. nisi cum de renunc.* Cum deceat te animam ponere pro subditis nulla occasione, dummodo prodesse illis possis ab eorum regimine convenit te excusare: quoniam si laboris causam praetendis, exemplum te Apostoli sublevabit, qui suadet tibi eiusmodi laborem non

refugere. *Item Monemus te;* ut laborem pastoralis regiminis non refugias, ne forte ad pedes suos cum Maria spernat te accipere, qui sibi apud te divertendi sprevisses cum Marthâ sollicitâ ministrare. Quid si profiteatur, *inquit*, in aliqua Religione nunquid ratum erit? R. si absque consensu Summi Pontificis edat professionem Episcopus, quietioris vita desiderio tantum, professio irrita est. Nam, ut diximus, Ecclesia suæ tenetur deterrire, & suā illius necessitati commodatem posthabere. Valida autem professio erit, si Pontifex annuerit, etiam ex causa alias insufficiente. *Leff. c. 41. dub. 3. Moscon. l. 1 par. 1. p. 168.*

III. Si Episcopus qui Ecclesia adhuc servire potest votum concipiatur de ingredienda, & profitenda religione, ut propriæ saluti melius vacare queat, irritum censeri potest, quia non est de bono meliore. Melius enim est, & sibi simul, & aliis prodesse in regimine Pastorali, quam privati commodi rationem habere. Ac proinde *S. Thom. 22. q. 185. a. 5.* expresse dicit, *talem Episcopum assumendo habendum religiosum non tendere ad perfectionem, sed ab ea recedere: quod pluribus à Dom. Soto explicatur l. 10 q. 2. art. 4.* Petat licentiam, *ait.* Illam Summus Pontifex, nec debet, nec potest concedere. Posterior est gregis, quam hominis salus, illius praesertim, qui se obligavit. Neque obstat *c. per tuas de voto*, ubi *Innocentius III. Gebennensi Episcopo suaderet, ut resignato Episcopatu votum de religione factum adimpleat:* quia votum illud, antequam eligeretur Episcopus, nuncupatum erat: adeoque non acceptare Episcopatum, sed votum servare debuit. Si

Q. 3

autem

autem post susceptram religionem ele-
ctus fuisse, consentire poterat, ut loco
citato manifeste dicitur. *Silv. V. Religio II.*
q.8. Votum III. quest.3. Sanchez I.4. Moral.
c.17 n.5. Azor. I.1.11 c.16. q.2. Barth. à S.
Fausto I.1.q.19. Barbos. ibid. post enarra-
tas plurium opiniones.

IV. Quamvis morbo etiam incurabi-
li laboret Episcopus, cogi non potest, ut
contra voluntatem suam, Episcopatu se
abdicet. *c. quamvis 17. VII q.1 ubi S. Gregor.*
ad Eleutherium scribens, ait. Quia viven-
tem Episcopum ab officio suo necessitas
infirmitatis, non crimen abducit, alium
loco ejus, nulla sinit ratio ordinari: sed
si intervalla ægritudinis habere est solitus
ipse datâ petitione non se ulterius ad hoc
ministerium intellectum habere, nec ad
alia officia subvertente infirmitate posse
fateatur assurgere, & alium suo loco ex-
petat ordinandum. *Et infra.* Si nullo tem-
pore ad sanæ mentis redit officium, per-
sona fidelis ac vitæ probabilis est eligen-
da, quæ ad regimen Ecclesiæ idonea pos-
sit existere, atque de animarum utilitate
cogitare, Ecclesiasticarum rerum curam
gerere. &c. Similia leges in c. scripsit & se-
quentibus causa VII. citata.

V. Propter crimen seu delictum pri-
vari Episcopum posse, manifestum est
ex c. nisi cum pridem de renunc. ubi Inno-
centius III. agnoscit cedendi licentiam
dari posse criminis causâ, sed fortè non
cujuslibet, verum illius duntaxat, pro-
pter quod ipsius officii executio post
peractam pœnitentiam impeditur, cùm
si omnes, quos arguit conscientia cu-
juslibet culpe, cederent, pauci vel nulli
in illo ministerio remanerent. Ex qui-
bis verbis interpres colligunt, Inno-

centium loqui de crimine, vel criminib-
us, quæ titulum Episcopatus invali-
dum reddiderunt, verbi gratia, si Simo-
niacè electus, aut institutus fuit. Tunc
enim si notorium fuerit, Episcopatum
deserere potest, etiam non petitâ Sum-
mi Pontificis licentia. Si vero occultum
sit, vitandi scandali causâ renuntiare de-
bet in manibus Papæ, vel ab eo tituli re-
validationem impetrare. Si quis inslu-
tus sit in excommunicatione, suspen-
sione, aut irregularitate occulta, sub-
lato per eum, qui absolvere potest, im-
pedimento validari titulum probabile
est. Jam si Episcopus post Canonicam
institutionem crimen commisit, puta,
Sodomizæ, per quod secundum Pii V.
Constitutionem pœnam incurrit depo-
sitionis, aut suspensionis in perpetuum,
ac sine spe relaxationis, tunc sufficien-
tem causam habet à Summo Pontifice
cessionem petendi. Si tamen occultum
fuerit crimen, ideoque infamia careat,
proprius Confessarius Episcopum ab-
solvere poterit. Si vero annexa criminis
infamia sit, Papa removere debet, vel
etiam, cum expedire videbitur, restitu-
tuere. Denique facti infamia, quam
vitæ impuritas parit; adulterio, incessu,
aut simili delicto, ante condemnatio-
nem Judicis non privat quenquam digni-
tate, & munere acquisito, ut ex com-
muni resolutione de pœnatum obliga-
tionem constat. *V. Proleg. §. 8. Covarr. de*
Sponsalibus part. 2. cap. 6. §. 8. Mantica de
conject. ult. Vol. I. 20. tt. 4. Clarus §. fin.
Quæst. 79.

VI. Crimina, quorum causa privari
Episcopatus potest, à Molconio *I.1. part. 1.*
cap. 8. numerantur ista. 1. est hæresie.

Quod

Quod sicut de elect. 2. falsificatio literarum Apostolicarum c. ad falsiorum de crim. falsi. 3. Conjuratio contra alios Episcopos. c. coniurationum xi. quest. 1. 4. Magia, incantatio, Sortilegium & simil. 5. Continua ebrietas Concilium Tolet. IV. cap. 28. 6. Usura Canon. Apost. cap. 44. 7. Episcopatum arripuisse favore regio, aut seculari. 8. Connivere & permittere in Clero suo fornicationes c. nemo dicitur. 83. 9. invadere & occupare Sedem Episcopalem adhuc viventis. c. audivimus 3. quest. 2. 10. Carnaliter cognovisse filiam spiritualem c. fin. 30. quest. 1. 11. revelare confessionem in casibus non concessis c. Sacerdos de penit. Dist. 6. 12. suis manibus percutuisse aliquem, ut eatenus terrori sit. Can. Apost. 28. 13. Negotia secularia tractare. Can. Apost. 7. 14. Ordinare Clericos per Simoniam. Concil. Chalc. cap. 2. 15. Beneficia Ecclesiastica, præbendas, vel altaria per Simoniam dare. c. si quis Episcopus 1. quest. 3. 16. Si contemplaverit Constitutiones, & Decreta Apostolica, vel Concilia c. fin dist. 40. 17. Si mandatis Apostolicis noluerit obedire. c. nelli fuit dist. 19. 18 alienare bona Ecclesiae extra easus concessos c. fin 2. quest. 2. & Constit. Pauli II. de rebus Eccles. non alien. 19. Si excommunicatus scienter celebret. Specul. de accus. §. 1. V. Porro. 20 Si homicidium commiserit. Concil. Agath. cap. 50. c. si Episcopus dist. 50. 21. Si consecratur Episcopus non electus legitimè Calix. Paparelat. cap. 3. dist 2 & consecrans, & consecratus absque recuperationis spe deponatur. Item dicendum de illo, qui indignum scienter consecraret: Item, si confirmet non idoneum. 22. Si consecraret Ecclesiam in

aliena Dicecesi existentem, aut Ordines conferat, sine commendatitiis, aliave pontificalia exerceat. Concil. Antioch. cap. 13. Concil. Trident. Sess. 6. c. 5. 23. Deponitur præterea pro quol. crimen notorio & capitali Concil. Agath. c. 50. c. si quis Episcopus dist. 50.

NOTA 1. non deponi quenquam Episcopum, nisi propter crimina in jure expressa c. 1. & 15. q. 8. Gloss. ib. & in c. Ex tenore de temp. ord. Item c. sicut, & c. fin. de elect.

NOTA 2. depositionem ab alio nullo, quam Summo Pontifice fieri posse.

NOTA 3. non semper requiri, ut erit manifestum, aut notorium sit. Nam si indignè promotus fuerit, vel homicidium commiserit, vel bigamus sit, non attenditur, an sit manifestum vel non, sed ipsa facti veritas sufficit. Felin. in cap. si quando num. 1. & c. 8. scissitatus numer. 8. de rescriptis Flaminius de resign. benef. l. 3. quest. 18. Barbos. in cap. Ex literis de excess. Pralat.

VII. Propter inobedientiam plebis aut grave scandalum licet interdum Episcopo cedere, & derelinquere Ecclesiam suam, c. nisi cum de renun. Non ramen pro qualibet culpa pastor debet gregem deserere, ne mercenario comparetur, qui videt lupum venientem, & dimittit oves, ac fugit. Sed de superioris licentia tunc demum potest notam timide fugere quam providè declinare, cum oves convernuntur in lupos, & qui debuerant humiliter obedire, jam irrevocabiliter contradicunt: cum etsi tales sint graviter pro criminis puniendi, sunt ramen pro tempore utiliter tolerandi, quia sanguinem elicere, quæ

nimirum

mimūm evnunt. Ibidem de scandalo subjungitur. Pro gravi quoque scandalo vitando, cùm aliter sedari non potest, licet Episcopo petere cessionem, ne plus temporalem honorem, quām æternam videatur affectare salutem, memor illius, quod Apostolus dicit 1. Corinth. 8. Si esca scandalizat fratrem, non manducabo carnem in æternum. Sed inter scandalum & scandalum subtiliter distinguendum est, sicut Dominus ipse distinxit, Matt. 15. cui cùm dixissent Apostoli. Sçis quia Pharisæi audito hoc verbo scandalizati sunt, respondit, Sinite illos, ceci sunt, & duces cæcorum. Alibi vero dixit. Qui scandalizaverit unum de pusillis istis, qui in me credunt, expedit ei ut suspendatur mola asinaria in collo ejus, & demergatur in profundum mari. Exemplum habes in S. Greg. Nazianzeno, qui Ecclesiam Constantinopolitanam sponte deseruit propter scandalum & odium Orientalium Episcoporum ut fusiis declarat. Baron. Anno Chri. sti 381.

VIII. Quod Irregularitatem attinet, ea vel est indispensabilis, in qua nimirum non solet Pontifex dispensare, ut si bigamus sit, vel uxorem viduam duxerit, & tunc omnino abdicare se debet: vel est dispensabilis, ut natalium defectus: tum si occulta fuerit, non de abdicatione, sed dispensatione cogitandum est, præsertim si ex copula non damnata manat. Similiter dispensare potest Pontifex cum illo, qui irregularitatem contraxit ex homicidio, quod occultum manet, non vero si publicum & notorium fuerit. Neque enim decet, imò dedecet plurimum, ut vir languinum ascendat altare Domini, hostias paciferas offerat, cuius vindicatio

Etiam gladius appetit. Suar. tom. V. disp. 4. Sess. 4. n. 36.

IX. Translatio Episcopi de Sede in Se- dem utilitatis, vel necessitatis causa fieri potest, ut exempla docent, 1. S. Petri, qui ab Antiochia Romam, 2. Eusebii, qui ex parva civitate Alexandriam, 3. Felicis, qui Ephesum translatus est, à civitate, in qua ordinatus fuerat, ut refertur in c. muta- tiones VII. q. 1. ubi antherus. Mutationes Episcoporum scitote communi utilitate atque necessitate fieri licere: sed non propria cujusque voluntate, aut domi- natione. Et infra. Non transit de civitate in civitatem, nec transfertur de minori ad majorem, qui hoc non ambitu, nec propria voluntate facit, sed aut vi à pro- pria sede pulsus, aut necessitate coactus aut utilitate loci, aut populi non super- bē sed humiliter ab aliis translatus est. Rursum infra. Non tamen sine Sacrosan- ctæ Sedis Romanæ auctoritate & licen- tia. Alia est enim causa necessitatis, & utilitatis, alia avaritia, & præsumptionis, aut propriæ voluntatis. Idem declarat Pela- gius II. in c. scias frater VII. q. 1. & in Conc. Carth. III. statutum est, ne Episcopus de loco ignobili ad nobilem per ambitio- nem transeat: quod si utilitas Ecclesiæ poposcerit, decreto Clericorum, & Lai- corum Episcopis porrecto in præsentia Synodi transferatur. Atque hæc intelli- guntur de Episcopo non tantum conle- crato, sed etiam confirmato. V. Gloss. in c. eit. scias. quæ addit. Hic apparet ratio, qua- re Episcopus non debeat fieri Monachus invito Papa, ne privatæ major, quam publicæ utili- tati estimatio sit.

X. Ut non fiat translatio Episcopo- rum de loco in locum sine gravi causa.

ex lege Ecclesiastica, & traditione manavit, cuius quia initium ignoratur, Apostolis auctori bus tribuitur. Nam ut præclarè Covarr. l. i. variar. c. 10. n. 3. consuetudo à temporibus Apostolorum per universas Ecclesias observata argumentum est ad demonstrandum, quod ea sumperit originem ab Apostolorum traditione, qui didicerunt ab illo, quem se missorum eo fine Christus promisit, ut omnem illos doceret veritatem. Quam ob causam appellari etiam divina potest. Quo sensu Innoc. III. in c. 3. de translat. Episc. Conjugium Episcopi cum Ecclesiâ suâ dicit non humanâ, sed divinâ auctoritate dissolvi: quia nimurum Apostolorum, & suprema Pontificis potestas, non ab hominibus, sed immediate à Deo confertur. Sic divina appellantur alia quædam ab Apostolis relictæ, ut observatio quadragesimæ, admixtio aquæ in calice, & sim. c. eos. 1. q. 1. c. pradicatur 16. q. 1. Barb. in c. omnes dist. 39. Exemplum translatonis (legitimæ, an secus, non dispuo) suppeditat Chronicum Bambergense, ubi Lambertus numero tricesimus, à Borne dictus primò obtinuit Episcopatum Brixensem, cui paucis annis præfuit, mox ad Spirensim transit, etiam contra Cleri voluntatem, ubi novem annis exactis Argentinam concessit, ibique non diu moratus Episcopatum Bambergensem obtinuit, quo demum post annos viginti tres resignato ad Monasterium Gengbacense in Alsacia remigravit, ibique diem extremum clausit. Gasp.

Brusch. in Catal. Episc. Bambergium.

**

§. VI.

*De potestate ordinis, quam habet
Episcopus.*

I. **E**X dictis liquet, duplē potestatem episcopi consecrati esse. Ordinis nimurum, & iurisdictionis. De hac in sequenti §. agendum erit: de illa passim Summissæ comprimis Silvester V. Episcopus numer. 2. & in c. Quamvis D. 86. Primo igitur sacramentum Confirmationis iis, qui baptizati sunt, conferre potest, inque eum finem chilisma confidere, ut oleum infirmorum quoque. Co. Tr. Seff 7 concil. V. Vormat. cant. c. 2. Secundo factos ordines tribuere, create Sacerdotes, Diaconos, & Subdiaconos. Item degredare clericos. Co. Tr. Seff. 13 c. 4. Laym. 1. 5. Tr. 9. c. 9. Tertiò Alios episcopos consecrare, i. ad Titum cap. 1. Quartò. Sacras Virgines benedicere, seu consecrare. Leo Papa. ep. 86. Quintò. Templa, altaria, vasa facta, vestes ad divina mysteria celebranda necessarias benedicere. Abb. in c. A qua de consecr. Item Reges, Abbates, & Abbatas. Piasec pag. 62. Sextò Date benedictionem solemnum in Missa solenni post Orationem Dominicam. Septimò Pœnitentes publicos in Missa palam reconciliare. Octavò. Literas formatas dare. Con. Tr. S. 23. c. 4. c. Quamvis D. 68 c. Aquade consecr eccles. Silv. V. Episcopus. n. 9. Bonacina de Ord. 10. 3 p. 243. Moscon. l. 1. Par. 1. cap. 8. Piasecius par. 1 c. 3. 4 s. Toletus l. 5. c. 4. Lorichius in V. Episcopus n. 14. Foll. Tr. 3. c. 1. n. 13. Ferdinandus in Exam. Theol. ad lit. E c. 7. Busseus de statu episcop. ca. 4. Barb. in c. Transmissam. de elect.

R

II. Inter